

3066

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

3571
PK 1255

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-04-38- 38844-133/19
Sarajevo, 19. 11. 2019. godine

SKUPŠTINA KANTONA SARAJEVO

N/r Elmedina Konakovića, Predsjedavajući Skupštine Kantona Sarajevo

-ovdje-

Zastupnik Elvedin Okerić na 14. Radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda, „Poslanička pitanja, inicijative i odgovori,“ a u skladu sa članom 213. Poslovnika Skupštine Kantona Sarajevo, pokrenuo je **zastupničku inicijativu u saradnji sa Vijećem roditelja Pete gimnazije o nabavci skijaške opreme za učenike ove škole.**

ZASTUPNIČKA INICIJATIVA:

“ U saradnji sa Vijećem roditelja Srednje škole Peta gimnazija podnosim inicijativu o nabavci skijaške opreme za učenike ove škole.

OBRAZLOŽENJE

Peta gimnazija je jedina **srednja škola u Bosni i Hercegovini koja** zajedno sa ostalim smjerovima ima i sportski smjer. Takav smjer učenicima omogućava, da uz redovne školske aktivnosti mogu neometano ispunjavati sve svoje sportske obaveze. U sklopu sportskih aktivnosti po Nastavnom planu i programu, učenici se podučavaju osnovnim skijaškim tehnikama.

Za te nastavne aktivnosti, obavezna je skijaška oprema koju ova srednja škola ne posjeduje, te učenici i roditelji učenika samostalno nabavljaju opremu – kupovinom, pozajmicom ili iznajmljivanjem. Često se oprema ne kompletira ili se to ne uradi blagovremeno, što roditeljima učenika, pored velikog finansijskog opterećenja predstavlja i organizacioni problem a školi i učenicima onemogućava adekvatno izvođenje sportske nastave.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Molim da uzmete u obzir da je skijaška oprema za učenike obavezna i da škola ne posjeduje opremu a roditelji pored redovnih finansijskih izdataka za školovanje djece, najčešće nisu u mogućnosti obezbijediti novac.

S obzirom da je u toku priprema Nacrta budžeta za 2020. godinu, a da početak ove nastave počinje 2. januara molimo Vas da zajedno sa direktoricom Pete gimnazije planirate potrebna sredstva koja su neophodna, a koja bi omogućila kupovinu neophodne skijaške opreme i olakšala roditeljima i učenicima izvođenje sportske nastave kao i drugih obaveznih sportskih aktivnosti kao što je npr. plivanje ”.

ODGOVOR NA ZASTUPNIČKU INICIJATIVU

Obratili ste se Ministarstvu za obrazovanje, nauku i mlade Kantona Sarajevo inicijativom za nabavku skijaške opreme za učenike Pete gimnazije Kantona Sarajevo.

S tim u vezi obavještavamo Vas da su se Ministarstvu za obrazovanje, nauku i mlade Kantona Sarajevo obratili direktorica Javne ustanove Pete gimnazije i predstavnici Vijeća roditelja Pete gimnazije. Tim povodom Ministarstvo za obrazovanje, nauku i mlade zakazalo je sastanak na koji je pozvana direktorica Pete gimnazije, predstavnici Vijeća roditelja i predstavnici profesora predmeta Tjelesni i zdravstveni odgoj pomenute škole. Sastanak je održan 15.11.2019.godine. Prethodno je zatraženao da predstavnici škole naprave finansijsku konstrukciju vezano za nabavku skijaške opreme za učenike, što su i učinili i dostavili Ministarstvu za obrazovanje, nauku i mlade.

Ministarstvo za obrazovanje, nauku i mlade podržava inicijativu za nabavku skijaške opreme za učenike Pete gimnazije, te će u narednom periodu raditi na iznalaženju mogućnosti nabavke iste. U toku su aktivnosti na donošenju Budžeta Kantona Sarajevo za 2020. godinu i Ministarstvo za obrazovanje, nauku i mlade će uložiti maksimum za iznalaženje sredstava za sufinansiranje ili finansiranje pomenute nabavke.

S poštovanjem,



Dostaviti:
- Naslovu
- Arhivi



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

